

因論
兩同書

讒書
宋景文雜說



14977

212

1

因

論

劉禹錫
著

中
華
書
局

叢書集成初編

因

論（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此據百川學海本
排印初編各叢書
僅有此本

因

論

因論

唐夔州刺史劉禹錫著

劉子問居。作因論。或問其旨。曷歸歟。對曰。因之爲言。有所自也。夫造端乎無形。垂訓於至當。其立言之徒。放詞乎無方。措旨於至適。其寓言之徒。蒙之智不逮。于是造形而有感。因感而有詞。匪寓以因爲目。因論之旨也。云爾。

鑒藥 訊眈 嘆牛 傲舟 原力 說驥 述病

鑒藥

劉子問居。有負薪之憂。食精良弗知其旨。血氣交沴。煬然焚如。客有謂子。子病病積日久。乃今我里有方士。淪跡於醫。厲者造焉而美肥。輒者造焉而善馳。矧常病也。將子詣諸子然之。之醫所切脉。觀色。聆聲。參合而後言曰。子之病。其與居之節外。衣食之齊去聲乖。所由致也。今夫藏鮮能安穀。府鮮能毋氣。徒爲美疹之囊囊耳。我能攻之。乃出藥一丸。可兼方寸。以授子。曰。服是。足以淪昏煩而鉅蘊結。銷蠱虐而歸耗氣。然中有毒。須其疾瘳而止。過當則傷和。是以微其齊也。子受藥以餌。過信而髓能輕。痺能和。涉旬而苛癢絕焉。抑搔罷焉。踰月而視分纖。聽察微。蹈危如平。嗜糲如精。或聞而慶子。且閔言曰。子之獲是藥。幾神乎。誠難遭已。顧醫之能。多齎術以自貴。遺患以要財。盍重求之。所至益深矣。子昧者也。泥通方而狃旣效。猜至

誠而感勸說。卒行其言。逮再餌半旬。厥毒果肆。岑岑周體。如店作焉。悟而走諸醫。醫大吒曰。吾固知夫子未達也。促和蠲毒者投之。濱於殆而有喜。異日進和藥。乃復初。劉子慨然曰。善哉。醫乎。用毒以攻疹。用和以安神。易則兩顯明矣。苟循往以御變。昧於節宣。奚獨吾儕小人理身之弊而已。

訊毗

劉子如京師。過徐之右鄙。其道旁午有毗。增增扶班白。挈羈角。齎生器。荷農用。摩肩而西。僕夫告子曰。斯宋人梁人。毫人。潁人之通者。今復矣。予愕而訊云。予聞隴西公暢。穀之止方。踰月矣。今爾曹之來也。欣欣然似恐後者。其聞有勞徠之簿歟。蠲復之條歟。振贍之口歟。傾鼠亡歟。瘠狗逐歟。曰。皆未聞也。且夫浚都。吾政之上游也。自巨盜間。疊而武臣顯焉。牧守由將校以授。皆虎而冠。子男由胥徒以出。皆鶴而軒。故其上也。子視卒而芥視民。其下也。驚其理而蚌其賦。民弗堪命。是軼于它土。然咸重遷也。非阽危擠壑。不能違之。曩者雖歸歟。成謠而故態相沿。莫我敢復。今聞吾帥故爲丞相也。能清靜畫一。必能以仁蘇我矣。其佐嘗宰京邑也。能誅鉏豪右。必能以法衛我矣。奉斯二必而來歸。惡待事實之及也。予因浩歎曰。行積於彼而化行於此。實未至而聲先馳。聲之感人若是之速歟。然而民知至至矣。政在終終也。嘗試論聲實之先後曰。民黠政頗。須理而後勸。斯實先聲後也。民離政亂。須感而後化。斯聲先實後也。立實以致聲。則難在經始。由聲以循實。則難在克終。操其柄者能審是理。俾先後終始之不失。斯誘民孔易也。

歎牛

劉子行其野。有叟牽跛牛于蹊。偶問焉。何形之塊歟。何足之病歟。今穀觶然將安之歟。叟攬縻而對云。塊其形。飯之至也。病其足。役之過也。請爲君畢詞焉。我僦車以自給。嘗驅是牛。引千鈞。北登太行。南並商嶺。掣以回之。叱以聳之。雖涉淖躋高。穀如蓬而轉不償。及今廢矣。顧其足雖傷。而膚尙腴。以畜豕之則無用。以庖視之則有贏。伊禁焉。莫敢尸也。甫聞邦君饗士。卜剛日矣。是往也。當要^聲售於宰夫。余尸之曰。以叟言之。則利。以牛言之。則悲。若之何。予方饗。且無長物。願解裘以贖。將置諸豐草之鄉。可乎。叟囁然而哈曰。我之沽是。屈指計其直。可以持醪而餽肥飴子而衣妻。若是之逸也。奚事裘爲。且昔之厚其生。非愛之也。利其力。今之致其死。非惡之也。利其財。子惡乎落吾事。劉子度是叟。不可用詞屈。乃以杖扣牛角而嘆曰。所求盡矣。所利移矣。是以員能霸吳。屬鏤賜。斯旣帝秦五刑具。長平威振杜郵死。陵下敵擒鍾室誅。皆用盡身賤。功成禍歸。可不悲哉。可不悲哉。嗚呼。執不匱之用。而應夫無方。使時宜之。莫吾害也。苟拘於形器。用極則憂。明已。

徹舟

劉子浮于汴。涉淮而東。亦旣釋縛繯。榜人告予曰。方今湍悍而舟鹽。宜謹其具以虞焉。予聞言若厲。繇是枷以室之。灰以墁之。輒以乾之。僕怠而躬行。夕惕而晝勤。景蠶晶而莫進。風異響而遏止。兢兢然累辰。是用獲濟。偃檣引櫂。次于淮陰。於是舟之工咸沛然自暇自逸。或游肆而觴矣。或拊楫而歌矣。隸也休役。以尙寢矣。吾曹無虞以宴息矣。逮夜分而駭陳潛澍。渙然陰潰。至乎淹簣濡薦。方卒愕傳呼。跳跳登墟。僅以

身脫。目未及瞬。而樓傾軸墊。坵于泥沙。力莫能支也。劉子缺然自視而言曰。曩予兢惕也。汨洪漣而無害。今予寔安也。蹈常流而致危。畏之途果無常所哉。不生于所畏而生於所易也。是以越子却行。吳君忽。晉宣尸居。魏臣怠。白公屈劍于西嘔。李園養士。春申易。至于覆國族。可不儆哉。嗚呼。禍福之胚胎也。其動甚微。倚伏之矛盾也。其理甚明。困而後儆。斯弗及已。

原力

劉子于邁。舟次泗濱。維紆邇之于傳。傳吏適傳呼曰。乘駟者方來。誰何之。則曰力人也。雅以力聞於吳楚間。中貴人器之。謂宜爲爪士。獻言于上。有旨趣如京師。頃其至。則佗焉五輩。咸碩其體。毅其容。動睛睇如曳趾。岌如顧瞻。遲回飲噉有聲。泗濱守伍。由將授也。說而勞之。饗以太牢。飲以百壺。酒酣氣振。求試自矜。傍如無人。中若有馮。有盪舟如沿者。挾鼎如飛者。綯鍵如麻者。開兩弧而脉不偵者。履巨石而齧如流者。異哉。果以力駭世而聞于上也。異日。話於儒家者流。有客悻然自奮曰。斯誠力矣。上之不過誇胡人而戲角抵。次之不過倖期門而振袍服。我之力異然。以道用之。可以格三苗而賓左衽。以威用之。可以保六羸而斷右臂。由是而言。彼力也。長雄於匹夫。然猶駢其驂。餽其食。我力也。無敵於天下。亦當蒲其輪。鶴其書矣。予詰之曰。彼之力。用於形者也。子之力。用於心者也。形近而易見。心遠而難明。理乎而言。則子之力大矣。時乎而言。則彼之力大矣。且夫小大迭用。曷常哉。彼固有小矣。子固有大矣。予所不能齊也。客於邑垂涕洟。劉子解之曰。屠羊于肆。適味於衆口也。攻玉于山。俟知於獨見也。貪日得。則鼓刀利。要歲計。而韞櫝。

多客聞之破涕曰吾方俟多於歲計也歲歟歲歟其我與歟

說驥

伯氏佐戒于湖陲獲良馬以遺予予不知其良也秣之稊秕飲之汚池廐櫪也上埒而下蒸羈絡也綴索而續韋其易之如此予方病且窶求沾于肆肆之駟亦不知其良也評其價六十緡將劑矣有裴氏子羸其二以求之謂善價也卒與裴氏裴所善李生雅挾相術於馬也尤工觀之周體怡然視聽然笑旣而拊隨之且曰久矣吾之不觀於是也是何柔心勁骨奇精妍態宛如鏘如曄如翔如之備邪今夫之德也全然矣顧其維駒藏銳于內且秣之乖方是用不說于常目須其齒備而氣振聲平則衆美灼見上可以獻帝閑次可以鬻千金裝也聞言竦焉遂徹其僕獨其皂筐其惡屨其搜穉以美薦秣以薺粒起之居之澡之音震之無分陰之怠斯以馬養養馬之至分也居無何果以驥德聞客有唁予以喪其寶且譏其所貿也微予灑然曰始予有是馬也予常馬畜之今予易是馬也彼寶馬畜之寶與常在所遇耳且夫昔之翹陸也謂將蹄將鬣抵以櫪策不知其籊雲耳昔之噓吸也謂爲疵爲癘投以藥石不知其噴玉耳夫如是則雖曠日歷月將頓踣是以曾何寶之有焉繇是而言方之於上則八十其緡也不猶踰於五段皮乎客譏而竦予遂言曰馬之德也存乎形者也以目取然猶達之若此矧德蘊于心者乎斯從古之歎予不敢歎

述病

劉子嘗涉暑而征。熱攻于腠。以致病。其僕也告痛。亦莫能興。逮浹日。予有瘳。醫診之曰。疾幸間矣。顧熱疹而未平。有遺類焉。宜謹於攝衛。衛之乖方。則病復矣。所苦既微。而怠其說。倦眠于衾。而興焉。倦隱于几。而步焉。面不能罷類。髮不能捐櫛。口不能忘味。心不能無思。如是未移日。而疾也。瘳疎錦反如。復瘳于躬。進藥求汗。凡三渙。然後目能視。視既分。則嚮時之僕已睨然。執柅圍侍予于前矣。予訝而曰。曩吾與若也。病偕呻也。諄也。若酷而吾微。藥也。餌也。吾殷而若薄。何患之同。而痊之異哉。僕諄諄而荅云。己之被病也。兀然而無知。有間也。亦兀然而無知。髮蓬如而忘乎亂。面黔如而忘乎垢。洎疾之殺也。雖飲食是念。無滑甘之思。日致復初。亦不知也。予喟然嘆曰。始予有斯僕也。命之理畦。則蔬荒。主庖則味乖。顧廐則馬瘠。常謂其無適能適。乃今以兀然而賢我遠甚。利與鈍果相長哉。僕更矣。劉子遂言曰。藥於用則豫章貴。厚其生則社稷賢。唯理所之。曾何膠於域也。